

" AL SIS DI AVRIL "

di Luca Bidoli

Fiunicello, via Zorutti 17.

Personis:

I°Vecia

II°Vecia

III°Vecia

Zuan

Agnul

I°Sovina

II°Sovina

IV°Vecia



(La storia si svolge su una platea con più variis personis, e Ta un
ciansa).

I°VECIA:-Disin ormai che no l'è nuia plui se fa e che stan dome che spietant....

II°VECIA:-Ni devi tocià a duc, cui prima e cui dopo, no l'è nuia se fagi, parsè maraveasi o butasi iù par chist?

III°VECIA:-Pura femina, tant che ti n'da patit pai fioi lavorà senza spietasi nuia, sornada dopo sornada, e cumò che lor si son sposas e son lontans, no si visin plui di je.

II°VECIA:-No an plui bisugna lor.

III°VECIA:-L'è brut quanche l'omp a ti mur anciamò sovìn e dut al pesa sulis tos spalìs, erin tims durs ancia pa fameis plui sioris.

I°VECIA:-Di bon che n'da Zuan in chistis sornadis.

III°VECIA:-Zuan e cui lisia chist Zuan?

I°VECIA:-No si n'da mai savut nuia di lui. L'è rivat in pais chist unviar, cui prins fres, di che volta l'è simpri stat cula vecia. Cumò che jè malada lui l'assist, la cuviars di gnot, la neta, gi da li midisinis quant chel viot che n'da di bisugna par calmà un poc i dolores, gi fas ancia di mangià, chel poc almancul che ie a riva a parà iù.

II°VECIA:-Ma parsè lu fasia? L'aia cualchi interes, lisia forsi un perint stret?
Siart che se al crot di ciatà bes in chist mut al si sbalia di sigur....

III°VECIA:-(fevelant come di besola)

Murì cusì a otanta e pasa ains, dopo vè sacrificat dut pai fioi, senza nancia al confuart di un di lor visin di te, senza l'amor che pol dati dome che una part da to vita che anciamò va indevant, che cres e diventa fuarta e sicura

2

come bestis invesi ni tocia patì, murì di besoi
come cians....come cians bastars che nisun al
ul ricognosi.

II^oVECIA:-(fuart)No sarai cusì stupida come je io! No
spartisi la me roba e i mei bes io, par che i
fioi metin su famea cul me e che dopo mi lasin
besola!No fasarai in chist mut,io.Se ulin ve
qualchia alc dal me,e vualtris dos saves che
a mi no mi mancia nuia,dovaran par fuearse
rasegnasi a servimi come una siora,e come una
siora rispietami e stami dongia fin ta me
ultima sornada.

I^oVECIA:-Bisugna ancia savè rasegnasi a se che Diu
al ul....

II^oVECIA:-Al me Diu no n'da comandati a nisun di murì
come un cian....

III^oVECIA:-O di meti al mont fioi senza pietat e ricu-
gnusinsa...

I^oVECIA:-Vualtris stes fevelant cun sentiment e tal
iust,ma cui di no al saia simut che varà
di cresi e finila chista so vita?Cui podia
scuviassi al spirt di chei che avuè tal
gioldi gi stan visins cui lavris ridins?

(sot vos) qualchi volta mi ven di cròdi a trop mal che
savin fa pensant di esi tal iust, in nom
di un dovè cal cres sulis spalìs da nestra
muart.

III^oVECIA:- No si dovaress schersà mase sula muart....

II^oVECIA:-Si devi odiala la muart no dasi mai par
vins.

III^oVECIA:-Vin poc ta nestra vita,no ni bastares mai.
Se dovin ancia patì parseche un doman no
sarin plui in chist mont....

II°VECIA:-Tant mior, a mi no mi displasares plui di tant.
L'è un mont che mi fas masa schifo, no mi riciati plui.

I°VECIA:-Pura femina, no si mertava chista fin.

II°VECIA:-Ogni dun n'da la fin che si merta di plui.
No mi piardi in compasions, a si la n'da uruda.

III°VECIA:-Servisarà a esempi par cui che al sa viodi.

I°VECIA:- (sot vos)

Viodi se? Sin duc un poc vuarbs cuanche urin
o dovin ~~womè~~alu.

(Ta plasa)

Zuan:- (di besol) Avuè no ai fat altri par duta la sornada
che bagnagi al sarneli cun aga frescia, podi
fagi cusl poc ormai.... la fiera la sta consumant
duta aplan a plan e gi plea li peraulis in
bocia.

AGNUL:- No sta, almancul cumò, pensà a chist. Prova un poc
a cialati intor di te: si sta ben a chi fur ta
chista aria lisera di Avril. Tu siris i voi e tu
ti acuarsis che intor di te dut al torna a
plan a plan e cun fadia a vivi, a riciapà
cuarp, voia di insumiasi di soreli cialt....

ZUAN:- (lu ferma) Mi cialava cun doi voi fis, come
se vares urut dimi qualchi alc, mi a parut
che stedi in chel alsant la man di poc,
cun duta la fuarsa che gi podega restà
par strensimi la me, visina.
Alora io ai ciapat la so e ai scomensat
a stensila fin tant che ie si n'da acuart
e scomensava di poc a viarsi i lavris
bagnas di sudor, e i voi gi ridevin, capisitu,
i voi gi ridevin come mai vevi viudut in ie.....

AGNUL:-(serio)

No sarà un an fasil chist. L'unviar l'è stat mase
fret,erin ains che no mi visavi di una stagion
cusì freda e dura,vin patit mesa e ancia li bestis
....(al pensa)sì, tal cuarantasiso o tal cuaranta-
nuf...ma chist na l'impuarta,bisugne savè pensà
dome che al presint, dome a chel che tu ti spietis
da tos mans....

ZUAN:-(seridint) Forsi crodeva che sedi un so fl o
qualchi parint, forse n'da di bisugna di crodi
in chist, i sioi clavei son blancs e fins come
chei che veva me mari....tu iu ciarexis, tu gi
pasis a planc la to man intor, tu as quasi pa-
ura di crevaiu e ti somea di no vè tociat nuia
o di esi pasat visin di qualchi seda antiga, son
cusì biei i sioi clavei....qualchi volta mi ven
di insumiam simut che veva di esi quant che era
sovina, biela e cun t'un vistit liser color d'arint
ta lus di un soreli ~~eialt~~ cal nas e che mi ciala
ridint....

AGNUL:-Si varà di patì plui di dutis ches altris stagions
e senza spietasi miracui....nol sarà fasil par ni-
sun chist unviar e forse i vecios che muraran cumè
si podaran di fortunas.Quant che li robis van mal
l'è difasil mantignì una bocia per nuia, son tims
turs chisc, i tims son smpri plui turs.

(si sint di lontan vos che si fasin visinis)

ZUAN:-Cui staja rivant a chista ora?

AGNUL:-Je una fiesta in pais,stasera.Sarà mularia che
laran a gioldi e a bevi.

(do sovini si fasin incuintra)

I°SOVINA:-Zuan la to parona semut staja avuè?Mior di air o
bisugna sa che scomensin a preala?

ZUAN:-Lasemi in pas se oreso capì vualtris....

II°SOVINA:-Trop ti daia Zuan par restagi dongia a sinti
la so spusa?

AGNUL:-Tas che no tu sas se che tu fevelis.

I°SOVINA:-E lui al saia forsi se che al fas?

II°SOVINA:-~~(plane~~ a Zuan)Zuan ven cun no,nin fur a diver-
tisi e a balà in qualchi luc di vifs, tu no tu
ses anciamò vecio,no tu ses tant rimbambit come
chel altri(fas moto viars Agnul)....tu tu mi
capisis no?....

Zuan cialilis ben li mes giambis,viot se frescis
che si son fatis cul prin cialt, madurisin sveltis
lis cognositu anciamò sì Zuan? Ti visitu ancia
se che ven dopo,eh Zuan? (si taca a ridi)

ZUAN:-~~(sot vos)~~Taset,se ureso savè vualtris,
taset....

I°SOVINA:-Tas cumò stupida,se utu metiti a fà? Varin altris
manieris par sbrocasi chista gnot, lasiniu in pas,
no tu viodis che lui(viars Zuan) no n'da voia di
nuia.

II°SOVINA:-Ti crodi che no l'ul ve nuia....mandi Zuanuti
stami ben e tenti di cont, no tu ti acuersis
di no vè una biela musa, eh sarà l'aria forsi....
a qualchidun gi fas pasà dutis li vois.

I°SOVINA:-~~(si sint che van vie)~~ Moviti! nin vie di ca...

II°SOVINA:-~~(cun rabia)~~No sta sburtami, no ie colpa me
se lui n'da doi voi cusì biei e lusins, mi
plasin i omps cun doi voi fuars, no savares se
che mi ricuardin ma mi ven subita voia di
strensiu.

I°SOVINA:-Ti ven su duta cumò a ti....(viars Agnul) digi
che no ie colpa so, n'da un poc bivut par dasi
fuarsa.

AGNUL:-No mi par che vedi tanta bisugna. Ses rivadis fin
la che urevis, la che vi coventeva.

I°SOVINA:-Se tu ti la ciapis tant no sai fagi nuie,no mi an
mai plasut i masa rafinas, tant mancùl chei che an
li sachetis sbusadis.

ZUAN:- (sot vos) Quant che eri frut corevi ta chista aria frescia di Avril, mi ninsulavi ta chist prin cialt mi insumiavi di duc chisc suns e chistis grandis maraveis da vita, tornavi a ciassa come un còoc e tant che mi tignivi sglonf al cur mi domandavi a planc a planc dentri di me "dulà soio, cui soio", e spietant nisuna rispuesta mi indurmidivi ta mans delicadis di me mari. Avuè sa: masa ben dulà che soi lu ai imparat in chisc ains cual che l'è diventet, sornada dopo sornada, al me puest. Epodi anciamò crodi dome che a una veretat....viodi la quart par chel ca iè: crota senza nuia visin di iè, dome che lamens che tormentin e no ti dan pas, ancia di gnot io gi pensi e no rivi a indurmidimi tant che la senti la so vos partada, sicura e clara, da chista aria di Avril.

AGNUL:- Zuan di se fevelitu? Se ti vegna tal ciàf?

ZUAN:- Nuia plui nuia.

AGNUL:- No ti capesi, no sai se che tu disis....

ZUAN:- Vioditu a podi ditulu, qualche volta nancia io no rivi a capimi ben fin in font, e mi sfuarsi di falu parseche no mi par iust che un omp al devi vivi cusì, senza acuarsisi di nuia, di se che l'è, ma plui mi sfuarsi, e plui/^{robis} mi sciampin. Allora torni in me e pensi che sedi iust in chist mut. Tant se impuarta? Forsi dut chist a qualchidun altri podares someagi un poc ridicul.

AGNUL:- Tu ses cambiat, quasi a fadia sai riconositi.

ZUAN:- Quasi a fadia io mi viodi ta un spieli. Ai paura di cialami e no acuarsimi plui di cui che soi.

AGNUL:- Mi prestitu un pos di bes? Uli là ancia iò a fa fiesta e tornà doman di mattina cioc, senza plui savè nuia di chei altris.

+

ZUAN:-Tu ti la ciapis masa par chel che ti disin.

AG^oUL:-Che soi un bon di nuia? No mi impuarta, che fevelin di se che ulin, io no ai mai tociat nisun.

(in ciasa)

ZUAN:- (sot vos) Mi sinti strac. No ai fat nuia me ai come qualche alc che mi pesa sul cief: ancia lui l'è stuf dal so paron. tropis altris voltis mi soio insumiat in chista maniera, quant che dut al me esi someava finì in chel moment, parent fur un dolor come una femina quant che parturis e patis pa so creatura, si lamenta par chel part di vita che lassa e chist so amor che podares copala. Quala part di me si n'd'aia crevat in chistas sornadis scuris? Eput lo stas no si finis mai di rilasasà: là indevant cun chel poc che tu crodis ti dedi fuarse par là incuintra anciamò a un ma~~k~~, anciamò a qualche altra piardita drenti di te, fin che una sornada tu ti acuarsis di no esi plui nuia, di no rivà a gioldi o a patì insieme cu tun cuarp che l'è diventat di un altri, di un che tu no tu cognosis plui o che no tu ulis ricognosis. Io no sai trös dai mei ains che io ai vivut da omp e tros che invesi si an duvut strasinà a fadia, senza sens e che si an ^{HYDRIT}madurat di ciar frescia, viva.....

(entra una vecia)

IV^oVECIA:-Zuan, simut statu? Utu mangià qualche alc?

ZUAN:-No ai bisugna di nuia.

IV^oVECIA:-L'è brut par due Zuan, la muart iè brute par due e no cognos afies, sentimens. La muart sa iesi iusta ta so crudeltat, masa iusta par no che stin vivint e in chist si insumin che nuia podi cambià intor di no, che la vita sedi fasila e biela, pronta come una biela femina a dasi a cui che la ul di plui

(a tas un moment).....bisugnaires vè fede, rivà a
~~espr~~rasegnasi a chel che Diu a ni domanda.

ZUAN:-No savares se rispundivi.

IV°VECIA:-Io, tu mi viodis, soi vecia, straca, avilida.
 I miei vues son consumas e la me piel si n'da
 fat dura come una crodia, ai lavorat pies di
 una mussa ma i miei fioi almancul mi son stas
 ricugnusins di se che gi ai dati.Chist avuè mi
 pol bastà: no savaresi se fa di altris ains,
 mior finila subita e intant crodi di esi
 ricuardada pal ben che si n'da sirut di fa.

ZUAN:-Dut chel che gi resta, chel che si sa, fregulis,
 tant che chei altris gioldin e si elsin cuintra di te,
 prons a butà su di un chel cola la lor cativeria,
 i lor rancors maduris in ains di pena e rasegnasion,
 partant la dolsa impotensa di chel che l'è pront
 a dagi un so sens a duc e dut, a no scuviarsi che
 la so indifferensa, crodint di esi rivat cuisà
 dulà.

IV°VECIA:-Nisun dolor l'è masa fuart par cancelà dut se stes,
 no l'è chist al sens?

ZUAN;-Tu ti scuviarsis in chel mal, tu ti cognosis
 senza plui nuia che ti pari o che podi udati.
 Tu tornis di gnof crot e debul,ti par di esi
 devant di duc e di nisun, no tu cognosis plui
 la to mussa, la vos a iè che di un altri e la
 man che strens al puin no samea plui la to.

IV°VECIA:-Par te si devi sta tal mal par rivà a esi vifs?
 Patì par rivà a esi plui di chei altris, plui
 la te mussa svela a capì a acuarsisi....
 forse in t'un siart mut ancia a gioldi.
 No tu varas mai pas tu, no tu varas mai fin,
 a l'è chist chel che tu tu siris.

(Ta plasa)

I° VECIA:-Cusì isia muarta?

II) VECIA:-Ormai no l'era plui nuia se fa: ancia al miedi
che altra sornada mi n'da fevelat da vecia
disint che era question di oris, no l'era
tant di spietà.

II° VECIA:-Brut mal!

I° VECIA:-Ai savut chel mangia duc i vues dal cuarp e ti
suia li venis....ti ridus cul timp a un fas di
arba secia....

III° VECIA:-Tu scomensis a spusà massa par che qualchidun
al rivi a stati dongia.

II° VECIA:-Intant prest a rivaran i fioi.

I° VECIA:-Al plui vecio mi par chel larà a vivi ta ciasa.
L'è l'unic che nol si vedi anciamò sposat e
disin che l'è plen di bes mitus via lavorant fur.

III° VECIA:- Jè una fortuna vè un lavor sigur che ti ripai
dai toi sfuars, rivà a dagi un sens a la to
vita, ti fas orè vè una famea di sest...
fioi che cresin ben, dut al nas lì, nuia di
gnof son robis che si san da simpri.

I° VECIA:- (la vos si fasarà simpri plui debula fin a
tasè dal dut)

Me sinArà par esempi dopo doi ains chel stava
culi mans in man e al veva ancia scomensat a
bevi,n'da ciatat un lavor di sest, statat.....

(si sint che stan lant via, un moment di pausa)

ZUAN:-(a planc cun fa dols)

Mi bala intor e mi ciapa, dulà ulia partami?

Cui soio in chist fa, cui isia che mi strasina
cun fuarsa mai prima cugnusuda e mi parta
lontan, simpri plui lontan, *la* che i altris
se no mi viodin no ricognosin la me musa e

la me vos si piart, crevada tai mil spiei dal me sun
Se foio, parsè aio bisugna di cori in chist mut
e piardimi, senza vè pì una me volontat, un me
plasè? Doman no sarà susidut nui~~a~~, viarsarai
i miei voi e dut al tornarà ta so realtat che
gi aparten.

No ai peraulis stasera. Forsi parseca mi mancin
ancia li mes ilusions.

VOS DI FUR: - Cialimi, ciàlimi ben, i mei voi son lusins
somein d'aur tant che la lor lus cuviars
chistis pares, no tu iu viodis? L'è dols
pensà ai mei voi, al plasè che partin i mei la-
vris....

ZUAN: - (al viars i voi) Ti ai spietat, ti ai spietat
masa, mi n'da someat di velu fat par nui~~a~~.

VOS DI FUR: - (ridint) No tu mi cognosis? No tu sas plui vi-
sati di me? No iè la prima volta che sin
insieme, no tu ti ricuardis che l'altri an,
d'istat, una biela e cialda istat, quanche la
curint dal flun ti stava sa partant via cun
duta la so fuarsa e tu, in chel, sbalotat
di una banda a che altra, tu as scomensat a
insumiati cun me?

ZUAN: - Sì, mi visi. Mi sintivi che drementi di me chist
presint lu vevi sa vivut, sintivi senza rivà
a capila tal me esi la fuarsa di che corint.
In prin mi faseva paura e cun dutis li me
fuarsis mi soi ribelat a jè, ma dopo un poc
tant che mi ninsulavi ta che aga plena di fuar-
sa e di volontat ai sintut come una vos dolsa
di femina che diseve di dismenteà e di no vè
plui paura. Allora io ai lasat che al me cuarp
sedi strasinat e a plane a plane dentri di me
scomensava a vignì fur una pas mai provada
prima.

VOS DI FUR:--Soi tornada, no dismentei mai i mei amis.

ZUAN:--No soi nè sovin nè vecio. L'è come se
durmaresi un dopo di misdi e mi insumia-
resi di dutis dos chistis me etas.

VOS DI FUR:--Soi tornada, no dismentei mai i mei credis.

ZUAN:--(si plea par tiara) Cumò vegni, anciamò
un poc, al timp di tornà a viodi la musa
ridinta di che vecia, chist anciamò tu
podis lasamilu fà.

VOS DI FUR:--(ridint fuart) No cognosi gelosis, io.

(Ta plasa)

I°VEECIA:--Atu savut, l'è muart ancia chel altri.

II°VEECIA:--Viot al destin se che ti prepara, l'è
stat ripaiat mal al so servisi;
si saia di se?

III°VEECIA:--Par che al sedi stat malat sa di un an.
Ogni istat dovevin partalu in sanatori,
no an mai capit se che al veve.

II°VEECIA:--Agnul al sta disint a duc che lu
a ciatat cui lavris che ridevin.....

III°VEECIA:--No mi a mai semean un omp chel valeva
qualchi alc, davanti ala muart nu a savut
dasi una so dignitat....

I°VEECIA:--Tas, no tu sintis una vos che rit?

I°SOVINA:--(ridint) Se pensi che soi stada l' ultima,
che sera, a fagi una proposta....

II°SOVINA:--Quasi quasi gi stava.

I°SOVINA:--Gi sares cognvignuti, secont me no si
visava semut che era fata una femina.

II°SOVINA:--E sì che semut che tu ses fata, doveresin
savelu quasi duc.

I°SOVINA:--Cagna, tu sponsis ah cuanche tu ulis?

Mior cusì, savorai ripaiati una sornada.

AGNUL:--(a planc) Mi faseva dul. Io un poc podi di di ve-

lu cugnusut, vivi chi visin e soi besol.
 lo no gi foi cas, mi abitui a dut, durmì
 t'un iet fret no l'è che mi dedi fastidi.
 spur Zuan quant che l'è vignut ca di me,
 che sera, e dopo vè cugnusut che vecia,
 l'era cambiât.

Ains pasas insieme, secui fa, a lavorà tai
 boscs e tu ti fasis un'idea di un omp, tu
 crodis di velu capit, di esigi visin
 come un fradi, parseche si an tantis robis
 che si vivin insieme e che insieme si
 sufrisin. L'è come diventà frâdis e forsi
 qualchi alc in pl. No soi mai rivat a capì
 chel so tacasi a che vecia, una pura vecia
 che sta murint se sens podevia vè par lui?
 No l'era mior se al pensava a se stes, a
 vivi plui pusibul ches che vin scuviart
 cun dolor esi cresudis come li so ultimis
 sornadis?

Jè una storia senza sens chista.